

大清光緒十六年

本館新聞除禮拜外日出一張諸君賜閱本報者無論本埠外埠均可函致本館取閱如外埠閱報須加寄費可也除日報常刊送外復不特工本從英國採辦鉛字鐵版各等件以待與各官商刊印書籍單件並有英國各體活字及各式花邊等件有西人排印工藝其精所有中西文字均能刊印並有石版印字大小機器均用精工刊

第 二 千 七 百 五 十 八 號

報 叻

(號一十第牌門口虱巴馬在設開館本)

印工絕倫前延有文士書寫各體文字現由上海購到各種書籍出售其書目另行刊佈所有各項體裁相宜再本館所登來札原擇其有關世道人心者附登否亦須無礙於人而後始錄其有謬誤成文以及支離費解者概不登報須寫真爵里而後敢登但來稿存與不登均不能將原稿收回也 本館謹白

庚寅十二月十七日

凡閱報者每月一元每日售錢五文 大英一千八百九十一年正月廿六號禮拜一 凡刊印告白第一日每一字一仙第二日以下每字半仙

新到各種奇書發售 ○ 茲者本館近由上海坊錄等處購買各類奇異新書及地輿圖誌等來叻發售其書或銅板木板鉛板石板均無不有且字畫詩畫等尤繁多有叻地未嘗經見者均有益於世道人心者實非鮮淺有非徒快耳目者比茲特以廉價出售諒亦 諸君子所欲先睹為快者也所有各書區經已另列單張附呈 鈞覽閱者 鑒焉 本館告白

辛卯月份牌發售 ○ 啟者本報所印光緒十七年辛卯之月份牌業經告竣其寫印之工巧固已較勝於往年且復詳加考察核對精微不至有所訛舛以至貽笑方家 諸君欲選購者無論色紙白紙以及填色描金均憑選擇價甚相宜尙懇 移玉早臨不勝欣幸此佈 本館謹白

禮券出售 ○ 啟者本館現已印就辛卯歲賀正札甚多各款俱全以任 諸君選擇無論色紙紅箋均便可以任意選沽 諸君有欲購用者請至本館閱閱可也特此佈 聞 本館謹白

中國學問本末有用說

中國開闢最早聖名文物為五大洲之冠所以然者良由教化興於上人材萃於下彬彬之風足變狃獠之俗詩書之澤可免鄙陋之談也循蜚疏允邁矣增難孔子刪書斷自陶唐帝之命契曰百姓不親五品不遜汝作司徒敬敷五教在寬聖人之殷殷於教化也如此誠不忍天下滔滔出洪水而入禽獸也學校之制至有周而始備國學所教者自王世子以及民之俊秀皆得與之師氏教以三德三行保氏教以六藝六儀比年入學中年考校一年視離經辨志三年視敬業樂羣五年視博習親師七年視論學取友謂之小成九年知類通達強立而不反謂之大成鄉學所教者人生八歲入小學教以室家長幼洒掃應對之小節二十入大學教以六德六行六藝其師則歸老而有道德者為之其在詩曰於論鼓鐘於樂辟雖王國之化也思樂泮水官采其芹侯國之化也十步之內必有芳草十室之邑必有忠信苟無以薰陶漸染之雖有美質亦淫沒勿彰耳今也設以黨序術序之型重以論秀擢升之典則智而賢者固藉磨礱拂拭以自顯其才能即愚不肖者亦皆感奮奮興有以自勉而不致自甘廢棄國運之消長視乎人才之盛衰視乎教化成王定鼎下世三十年七百國祚長離曰忠厚開基食報固應如此然說者謂其械模倣人書裁造士人才輩出有以扶運會而佐休明厥後輸送雖東玉步未改未始非養士之報也漢武帝始立學官元帝有願備之典東漢光武帝幸學與博士論難明帝臨雍講學園樞觀聽者以億萬計皆國學也若鄉學則文翁在成都延壽在穎川皆能興起禮樂轉移風俗唐初立大學以造天下士曰國子學曰太學曰四門學曰律學曰算學曰書學其時教澤遠被新羅吐蕃高麗諸國道遠子弟入學為三代以後所僅見明建國子監設天下府縣皆立學 國朝仍之生員有願備學官有常俸使之飽食緩衣得以優游絃誦而不致與彈絃歸來之歎而通都大邑以及偏城僻壤無不建立書院籍以樂育人才士講一席以士大夫之返歸林下學術淵藪品望卓著者充之每月除師課外由地方官輪流考校膏火之外獎以花紅凡所以激揚士氣振興文教者可謂至矣雖其所以考校者課外不制藝詩賦賦及經解策論雜作然自古迄今載籍之繁文詞之博浩如淵海童而習之白首仍不得其涯流非若西國文理質直不以繁縟為工令人易於索解也要之三代立學之規本末兼綜鉅細靡遺漢唐以還雖漸失古意專尚文藝然於興賢育才之道型方勸學之規未嘗不再三致意耳食之士抑中揚西膠誦中土之學者專向聲華西國之學者惟向機實中國之學校徒務其名未能收得人效之效西國之學校必究其實效能收造士之功不知聖門設教僅有四科未聞於德行言語政事文學外別設格致一科也若必與數千年來相承之文學一旦廢棄以從事於彼之所謂格致舍本逐末抑亦大背聖人之教矣人情喜新而厭故見異而思遷中土學者自幼讀聖人之書聞聖人之教以為平淡無奇見西國書籍則喜之見西國術藝則學之庸詎知西國禮類之士購中國之書籍譯作西文以教授其子弟者已不乏人數百年後安知中國文學不大大行於西士耶宜聖有德固富為之默慰而執抑中揚西之說者其亦可廢然返矣夫矣

俄領抵叻定址

○ 俄皇太子遊歷情形本報前經登錄茲接前途來信謂俄儲車駕已定於來年

智亂電音 ○十三日東京發來電報云智利叛亂之事現其陸路兵丁亦多附於亂黨之中觀此情形當不免有一番惡戰而現在英法三國戰船均已奉命趕往智利地方藉以觀平叛亂矣

戰船抵叻 ○十四日英國戰船下刺施知及馬九利由香港抵叻該船下旋之後督轅中軍官親至船中以代制軍迎迓至十一點鐘之際其水師提督即登岸至督轅拜謁時陸旗山照例陞炮以申敬禮迨至是日下午離制府乃出轅至戰船中答拜以盡賓主之情云

議猶未定 ○十三日本坡議政局議員復行會議禁止外埠鑄錢之事但諸紳議論紛紛莫衷一是而狀師麥疏因請將此律展緩六個月方可舉行云云是以此議尚未有成須俟下期會議之時始能為之核定也

事屬風聞 ○昨日風聞有華籍婦人二口向未悉其姓氏寓居東陵地方此二婦所積頗豐詎為匪徒所知即於十二日至其家中行劫乃將二婦刃傷擄其所有而遁無何一婦已因傷重斃命云云但此事係據一穆拉油人所傳而府署內尚未聞之故是否確實尚屬未能臆決也

會審定期 ○昨接本坡臬轅信息云本屆上控各案刻已定於西二月十五號即華辛卯年正月初六日開堂會訊矣用特錄登以供眾覽

控案展限 ○前者西女其釐俄士枝再控亞納商人沙逸莫下末亞路兀俄付一案迭經列報查此案定於廿四日在臬堂審訊惟被告狀師黎美申向臬憲請云此案尚有要証在於埃及須俟其來叻方能集訊因請展限四閱月再行審判業經臬憲俯如所請而黎狀師復言謂此案被告似可無庸到叻訊供可就近至英國駐埃大臣處錄取供詞轉寄叻中可也惟臬憲於此節不能准如所請云

關員滋擾 ○會安遞來信息言香港各輪船舟師因會安稅關人員過於滋擾船艙皆避道而行不敢復到該埠法官聞知擬派新關吏前往瓜代以惠商旅果爾則局面或當為之一變也

水上昇毬 ○氣毬一物向祇陸軍用之未聞有用於水師者有之自德法始開駐紮地中海之法國戰船曾製造氣毬一具其大有一萬一千三百立方英尺昇毬之法用絲繩一條一端縛於毯底一端縛於桅上人駕而乘之於天氣氣清時二十四西里內之物遠而望之瞭如指掌俯視海底愈覺明亮即水深約八十四尺儼如溫嶠熾海海中怪物無微不用水底船一艘在深水內駛行自水面視之了無所見惟自毬上下觀則船中一舉一動無不歷歷在目洵奇觀哉聞是毬製造甚堅固曾以毬縛於桅上而輪船駛行兩點鐘之久絕無損傷誠軍中之要物也

法報譯登 ○法字報言雲貴總督曾至蒙自縣巡視邊防兼校閱營伍事畢隨往法國領事處拜會法領因而論曰制軍此舉誠得睦鄰修好之道中法相交易局面從此當為之一變矣來信又言蒙自商務絕無起色此因紅河賊匪猖獗異常華商皆裹足不前故如是寂寞也

拘人補票 ○十三日下午有閩人某至梧槽差館報稱向為木廠生理是日收取數項計有三十餘元以袋載之行至舊海南會館前遇有三人醉容可掬即將其毆打并將銀袋搶去但此三人中祇有生長本坡之客人張姓係曾認識請為拘捕云云該館總差聞報即傳張至見其醉態尚屬甚馴無從訊供至翌日乃將張送至巡捕官案前候為發落即經巡捕官着某補行出票將張控告至於此事虛實之處須俟府尊訊定後始得而知也

犯竊自縊 ○陳亞賢海南人也未悉其向操何業前日以竊取他人之表為暗牌差役所獲猶未送交府案因暫押於差館十二日陳在羈內竟解帶欲行自縊為看守之差所見乃報聞解救於是兩罪俱發至十四日府尊提訊查該犯尚無案底係為初犯因判以監禁一月然此係竊表之罪至於自縊之事則展限至廿一日再行審訊云

報失銀紙 ○昨本坡荷蘭領事官接亞沙漢荷官來文稱有荷國商人在漢管生前日失去銀紙五十張每張計銀一百元合共五千元之數而此皆叻中銀紙係渣打銀行所出云云文後并將所失之號數錄明荷領事接函後業已據情轉知本坡巡捕官發交各差一體為之嚴緝矣

覓死不成人 ○夫人而至於自尋短見者固愚然或迫不得已而為之則猶有可言乃有因瑣瑣之事本不應死而亦欲尋死則更愚且欲死而不能覓死則且愚之又愚矣本坡十八間後存成號乃潮人王亞六所創設王有一妻一件妻某氏寓居店內伴郭定遠則在店中料理而該店生理郭亦稍佔餘股月之初二日王以病而殞而店內有欠他人之項甚多聞其店東已殞故紛紛到而索欠王妻某氏由推託遂於前數日託故出門杳然不知所向遺郭一人在店而各債主則日到門催迫郭惶遽不知所從因欲以一死謝之聞人言吞服阿芙蓉膏即要命因即取洋銀角餘市烟二葉歸而吞之遂僵臥以候其死但不知所服之烟有限不能死不過徒為醉悶而已嗣此事為隣右所知因往差館報聞即經差趕到勘視詎至則郭已復行起立喧言其不死惟自吞吞烟過少而已嗣差等乃將郭送交醫院中調養數日昨已安然無恙故現已將郭送案請官究辦其自盡之辜矣

已將郭送案請官究辦其自盡之辜矣

三品出品

啟者本行督辦歐洲馳名三品洋酒來助發售其酒係白頭式發售有年沽飲諸君莫不稱其香爽奈近有無恥之徒假冒本庄三品酒款式以圖魚目混珠情殊可恨嗣後諸君沽




之內有小紙包頭計詳字號察破假明也公同者始無伴若此字樣即屬偽冒請為細認特此佈聞 大英一千八百八十五年十二月十九號 明嗎也公司謹啟

烏密酒發賣



啟者本行向由英國督辦各種美酒來助發售久已遐邇馳名茲復由英新辦到頭爾士斗雲字號之狗頭標烏密酒到助應沽此酒香爽異常不惟飲之可口且能保養精神調和血氣常飲令人不生疾病誠酒國中上品也 諸君光顧應細看以上所列之狗頭標庶不致誤且價甚相宜倘 諸君有欲酷飲者請至本行取用可也此佈 大英一千八百八十八年八月十五號 明嗎也洋行啟

蜜酒出售



啟者本行由歐洲辦到上等密酒來助發售其酒甚佳茲將標頭印出請君光顧所為細認免致有誤倘有無恥之徒假冒本行鎖匙標者本行定必嚴為控究再此酒不能販往加勝吧 三寶壟 泗里末 望加錫 檳榔嶼 甘榜等處其餘各埠均能運往此佈聞 大英一千八百八十八年十一月十八號 明嗎也洋行謹啟

鐵櫥



嘗思營生之道所最要者則惟儲蓄其次則惟儲蓄然必須有以善其始無意外此本行鐵櫥所以為 諸翁之所共賞也啟者本行所賣之鐵櫥久已馳名於東方一帶而於叻坡則聲名尤著至本行沽賣此等鐵櫥已有三十年之久其製甚為堅固保能避名火且其匙鑰甚妙斷非盜賊等所能開計其內全身均用鐵製無雜成前以木料且諸櫥自前至今均為一式堅固前無有優劣之分至於各櫥大小不一而價值則約一百元至四百元凡用之者可保其不礙焚燒即遇出火災亦無所損本行之鐵櫥實為叻坡諸華商所喜購而本行每年所沽亦殊不鮮茲特為之錄佈倘 諸君有惠顧者祈即玉臨選購為盼 大英一千八百八十九年十一月廿八號 大清光緒十五年十一月初六日 明嗎也洋行謹啟

法國頂上蜂窠標萬蘭池酒出售



啟者本公司親由法國督辦頂上好萬蘭池酒來助發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佐饌中妙品也至此酒惟本公司一家沽出餘無別家出售 諸君光顧請細認蜂窠標頭為記並細辨香味方不致誤價甚相宜倘有欲沽之者祈早至 寶臨沽買是幸 大英一千八百八十八年六月二十號 大清光緒十四年五月十一日 明嗎也公司謹啟



準之時陳誤僱匪人之小舟將其行李渡之登岸詎為匪人搶去布囊一具內貯衣物計值英銀四十餘元後陳託某客棧東主代為查訪已着該匪償回英銀二十元以作了事而陳以償款可獲可究出原贓後某客棧東主恐不肯言明該匪遂則置諸不理陳便氣忿不平然終以人地生疎究亦無可如何逼得作為罷論隨即附航歸里噫世途嗚嗚如是如是○王亞地安溪縣人在廈門後海墘杉行街建有協盛號鼎店僅可圖活而王有一養子王亞明向在呂宋市開營生於茲七八年矣每年所獲向有銀項付歸以供甘旨時有嘉禾星湖石浦社蕭德炮者向作各頭生理常往來於呂宋時亞明常相會晤頗稱好交於本年五月間明以蕭言旋梓星故情有函札並銀三十二元託蕭帶歸交王應用蕭見利思食歸於厥家而於所有他人託帶之款概不肯交而明之項亦已飽厥私囊後明十月間有信付回於王道問曾收蕭帶之款與否至是王始知蕭之為中飽也因即為之過問惟蕭狡展異常聞風脫避王弗甘謂不償還是款務必控之於案蕭之親屬竊恐為其拖累因囑蕭之婦代為清償免與大獄締迫得託人為之緩頰蕭王展緩二十日內如數備償王已允如所請不識此後果能返璧否也

實至名歸 ○嘗論亦為凡几者其身居一人之下處萬人之上位不可謂不隆然而功高則震主福過則災生過來人嘗謂保全晚節最難必待查相論定方為實至名歸今觀忠烈公身後 恩禮備至飾終鉅典為尋常所未有誠吾夫子所謂其生也榮其死也哀迥非從來之得邦家者所可及已十一月二十日請署總督沈制軍題主越日受四方之贈贈廿四日靈輿出署瑞方伯率隨行禮送者文武各以千計上路用各防營旂幟為前導望之如火如荼列獅象駕靈香亭儀仗 御賜文物皆用黃檀亭翠之以行萬民多至四十餘輛紅者生前戴德素者事後追思亦可知深仁厚澤之輪洽無遺矣此外編流羽士送者亦數百人起督轅西街迨水西門外文武官之路祭者綵棚相望上浮橋安徽會館前設公饌一壇合城官府咸集於此此為送者請從此逝之所故受恩者不覺望龍輿而感激涕零又清節堂婦女獻傘一柄按名謂饋五百文沿途又有乞丐跪路側亦各給錢二百龍橫用巨木一株飾以龍文長數丈分為五節節節相銜下承以棋旋轉自如扛夫六十四人皆舊部曲棺車鑲金錯采旁結縷絡頂上一壽星作跨鶴游仙之狀高丈許時新雨初霽沿途滑澤灑灑令行者忘泥濘之苦竹頭木屨往往於無用處而見有用蕭公之才大心細於此又見一斑矣緣大令承瑞方伯委以是役即宿北院中度長聚短酌酬酢於任勞任怨中尤能善持大體昔忠烈嘗欲老其材以為世用故不肯試以簿書錢穀詎知其冥中已有此一番大作用隱存乎其間耶宜大令京感之餘不惜一髮千鈞以報知己喪既過又有為誦輓語者爰補綴於報後○五年宦迹接鄰區欽運偉業豐功威惠傳大江南北 十月驟遠驚噩耗恨驚魂暫成畢悲思暨榆塞西東 盛京將軍裕祿 仗劍復名城念百戰艱難坐鎮休然盡盡 騎箕歸土界撫三江黎庶成規誰更繼國勳 長江堤督李成謀 ○契合以道義相維持職摩同志患難同袍念知已感恩無報結木依然難盡訴 德業與聖賢為體用遭愛在民公忠在國到此日騎箕撒手時衡大局費沉吟 江蘇臬臺陳棟 ○有汾陽之望有大范之才偉績佐中與半壁東南仰元老 以文正為兄以惠敏為姪聊躬負晚節一門忠孝盡完人 蘇撫剛毅 ○聞恙正中秋每擬解綬南來隨侍聊將猶子意乃陳情未許馬足仍羈直至計達端州大咷千聲悔不及時 晚裝臨喪次離越領春北上薄才恐負吳天恩倘朝右分光梯階寸進惟有勉遵誨語開函百讀淚難收 會紀渠 ○東南再造底柱動高與斯民食德飲和上慰宸厪陰眷頌 中外同文長城望重痛此日鞠躬盡瘁永懷巨品勵精誠 浙撫松駿 ○中興將帥感瀾零那看秋悲江南萬戶淒涼哭元老 半壁河山誰第鎗應有神來天上 一門忠義話時艱 通判署鴻當 ○侯伯同懷前代少 江天十月大星沈 准補浦縣馬光勳 ○鞠躬盡瘁死而後已 感恩知已生不能忘 候補道丁中和此外聞有曲園俞太史一聯在著作林中尤稱巨擘惜言者不能道其隻字令人如求蓬島三神山可望而不可即亦翰墨因之恨事也又有湘人云忠襄公生平不善理財避者駭歷封疆且十餘年而宦囊除琴書巾箱外別無長物沈帥來承其後詢悉其家世蕭條乃為謀所以壯聲華下牛眠者是誠范堯夫舉琴舟贈夏卿之雅誼也辭清金石表萬雲天友道之敦當從此有不合而從不言而論者矣爰擬拾之以告世之無心車笠者

臘月十三偶過玉皇宮訪清水巖僧方一前訂湘江之行即以題壁四首 ○書劍風塵斷旅魂不將山水事同論偶經寺裏閒題壁却憶山中靜掩門入屋半開梅石古就荒三徑菊籬存他年散髮歸林下日對烟蘿酒一樽 ○半榻清風臥讀書放懷邱壑愛吾廬宿花忙笑香蝶怯釣驚鱗躍水魚匪地欲裁諸葛榮繞園荷臂宇勸此生占有林泉福深樂修真志豈虛 ○夢到蓬萊海上山此身何事謫塵寰驚花恨悵情奚似詩酒風流債未還在昔雲衣曾疊至今仙骨尚瑯瑤貴文胡市生涯淡彈鋏朱門總報頭 ○琴書相伴湘江遊欲借袈裟典酒樓去棹帆今逢歲暮歸期難訂在瓜秋君無俗累能高臥我應懸絳袖拙謀為報故園諸件侶未知萍跡帶新州 家在梅溪舊板橋梅鶴山人黃埔脚稿菊開且醉淵明酒花落狂飈阮籍三徑有書歸隱日日携詩卷臥烟蘿 ○頻年浪跡過星坡舊雨相逢感慨多歲月催人原易老青雲得意欲如何亮樓窗外曉芭蕉客雁枕邊殘夢戀沙鷗旅魂半夜頻驚起疑此匡床是橋舟 ○元龍湖海氣雖除數載離羣賦寄居江左樹雲懷白也茂陵琴劍病相如梨花易酒多情淚汗燕離傳恨暮霞盡世緣未謀生計到推漁 ○人生聚散等浮萍誰向風塵眼獨青樓上看花沾酒客石邊倚鶴臥雲僧如登苦海回頭岸願隨蓮葉渡世輕命也不辰嘆何益年來筆墨更無靈

家在詩山第一溪兩脚黃則繩氏未定章

輪船出投 ○啟者按定於西本月廿九號即華本月二十日禮拜四上午十一點鐘在本館內拍賣製造荷蘭水之機器三副乃歐洲名廠所製輪係新嘉坡及實得力荷蘭水公司所用倘 諸君有欲到看者至十八日可至本館閱閱投定之後現像交易 諸君合意祈為屆期 玉臨拍賣此佈
大清光緒十六年十二月十五日 大英一千八百九十一年正月廿四號 巴越館主謹白

自來火公司告白

啟者本公司之自來火向蒙 諸君惠顧現因華人新年將屆而 諸君所用之火喉等或有損壞必須重加修理以壯體格特通知凡各火喉等如有損壞可到本公司轉明自當前往修并不收取工值但須於西本月內到本公司報明方可與其修理至其火喉或有損壞至須更換抑或尚能損缺但欲洗之使淨者則仍當計回工值之價均如舊日也而本公司現復由歐洲辦到新式玻璃花罩等物甚多各款俱全甚為精妙價亦相宜 諸君惠顧請移 玉惠臨為盼
大英一千八百九十一年正月廿四號 大清光緒十六年十二月十五日 自來火局理事人各領謹啟

聲明告白

啟者牛車水戲園街第六十七號門牌月娼察現編杜氏亞姨及黃氏炳姨二人同創并無他人入股特此聲明以存其實
大清光緒十六年十二月十五日 大英一千八百九十一年正月廿四號 杜亞姨黃炳姨同啟

懸賞

立賞格人 苑生號有被李慶鏞李慶吉去英銀八萬餘元他乃創有與裕號生理在老爺宮邊店中桌椅銅器玩物甚多約值銀千餘元今移徙他處閱數月諸物十無一二令人無從索解又李慶鏞李慶吉置有金銀器磁器不計其數茲特高懸賞格與 諸君約倘有知其提出搜出寄領之處或知其有與人暗作生理或明買各公司股份及暗插各項生理股份或買有地段或建有屋宇或將銀項換作他人名字出借或買有房屋假託別人名號無論在本坡或麻六甲 檳榔嶼 上海 昔仔我 吉福 日裡 禮學 那律 柔佛 大小白蠟 柯勝潤勃 仙那簡 曹勝越 峇株巴葛 勿里洞 汶島 網略 呂宋 泗里末 加勝吧 望加錫 碩埠 巨港 峇眼 廖內 汝掘 吉雙 那義寺冥難 四雅於戎 井里汶 吧筋 而汝武 望加麗 峇釐 寧宜 芙蓉 巴東 亞齊 三寶瓏暨各屬州府者祈到本號報明當堂書立約字一紙詳細批明以杜複轉而防藉言俟查明確實追回抵償之後願從厚給賞以酬其勞至遠近各色人等凡有金銀磁銅等器及產業家器賣與李慶鏞李慶吉以及將股份物業代為暗典於人或將金磁磁銅各器代為兌出均祈前來報知如果証據顯然本號亦當酌給花紅此帖是實決不食言幸勿遲疑是所切盼
大清光緒十六年庚寅十二月十二日 苑生公司章芳琳謹白

報知

立賞格人 苑生號有被李慶炎欠去銀項為數甚鉅蓋他乃前年承充本坡烟酒餉碼之人當日伊家所有椅桌銅器玩物約值銀三千餘元其山頂別墅椅桌銅器玩物約值銀九百餘元另有金銀器磁器不計其數當慶炎初死之時各處之物件依然俱在迄今僅閱年餘諸物盡歸烏有似此變遷殊深滋訝茲特高懸賞格與 諸君約倘有知其搜出寄領何處或知其有與人暗作生理或明買各公司股份及暗插各項生理股份或買有地段或建有屋宇或將銀項換作他人名字出借或買有房屋假託別人名號無論在本坡或麻六甲 檳榔嶼 上海 昔仔我 吉福 日裡 禮學 那律 柔佛暨各屬等處者祈到本號報說俟查明確實俾得追回抵償之後願將該物項對半均分以酬其勞如該物值銀在一萬元之數則賞給銀說人五千元或多或寡照此遞算決不食言至遠近各色人等凡有金磁磁銅等器及家器產業賣與慶炎以及慶炎死後會將金銀磁銅各器代為兌出或將股份物業代為暗典於人均祈前來報知如果証據顯然本號自當酌量給賞此帖是實幸勿懷疑
大清光緒十六年庚寅九月二十三日 苑生公司章芳琳謹啟

照格

代理銀行告白 ○啟者茲本銀行已託葛士兄弟洋行為本行駐紮北嘉娘屬仙那港之代理人特此通知諸惟 鑒照此佈
大英一千八百九十一年正月十六日 大清光緒十六年十二月初七日 新麗如銀行謹白

登賞

委辦順直水災勸捐啟 ○啟者順直為畿輔重地 國家根本所關本年被水成災為百餘年所未有前奉 李傅相電諭令在外舉勸捐正在欲行開辦頃復奉 閣浙督憲卞 發到勸辦順直賑捐委札一件關防一顆飭在本坡開局勸捐及閩省善後局司道發來南洋各紳商諭帖數十張及局收數百張併蒙汀漳龍道劉派有候選知縣舉人王寬候選縣丞邱鴻玉龍溪縣學秀才莊嵩齡來洋帶辦捐務竊維南洋為殷富之區素多慷慨好施之士十餘年來樂捐鉅款屢為獎叙之榮此次順直奇災尤望大發慈悲共拯飢溺其捐局現設在板成公司內面志切顯揚者 請移玉至局面議為幸
光緒十六年十一月廿三日 奏辦順直賑捐委員 陳金鐘 王寬 邱鴻玉 莊嵩齡全啟

貨棧店舖出賃

啟者本公司有店舖多間欲出稅與人茲將店舖開列如左 計開大貨棧一間坐落甘公麻六甲之甘明街第十號門牌 店舖二間坐落甘公麻六甲之加街第九號第十號十一號門牌 店舖一間坐落衣箱街第十七號門牌 大屋二間坐落吉靈街第一百十七號第一百十八號門牌 店舖一間坐落牛車水戲園後街第四十四號門牌 店舖二間坐落小坡梧槽路第一百零八號第一百十號門牌以上各舖租價甚相宜 諸君有欲稅居者請至本公司相商便妥謹此佈
光緒十六年十二月初一日新嘉坡保險公司謹啟

除煩止渴飲此酒者能令心曠神怡至此酒在叻發售惟有本行一家而叻地各酒店多有至本行販而零售者且其價甚相宜每箱僅取銀四元七角五占 諸君賜顧祈早惠臨為盼 大英一千八百九十年十一月十四號 牙直里洋行謹啟

大英北慕娘及納閣國家

為曉諭事照得國家現要招人票投承充鴉片全權茲將投票規條列左 一仙那港輔政司署所收之票限期於英壹千八百九拾一年正月初三日正截止截但該日所望太古洋行免暖火船由香港將近到埠則必待該船到埠然後照票投票承充鴉片全權日期係由一千八百九拾一年英二月初一日起計至少必要兩年至多不過八年 二該全權係獨自已可帶鴉片八半煮熟發賣或在準內本土吸食或載往別國外準俱可 三在該準內地方買賣之事須得全權之人每年繳納餉銀必要照依一千八百九拾年零星散烟公司所納鴉片餉銀之數又要納入口稅銀即照準年各公司所載鴉片烟土入準箱數若干倘領得承充鴉片全權之人裝載携帶鴉片烟土入準多過該數則每箱要納入口餉稅銀六百大元 四上款所言之餉銀及免稅之箱數多少則係於一千八百九十一年正月內在國家所註之冊稽查便知明白論及該餉銀之數大約係在九萬大元左右而免稅之箱數多少則係或係一百廿箱至一百五拾箱之多 五所有裝箱携帶出準之事凡載鴉片烟土入準者不用納入口稅惟該承充全權之人凡載出準者首年每箱要納稅銀二十大元俟後每年每箱遞增二大元另每年餉銀多少則係投票時要在票內寫明 六凡有投票該票要用書信館摺保封密上面寫明呈遞仙那港輔政司衙頭又要寫稅餉全權機密事等字眼凡投票之人不欲在票內寫自己之名者則用別字亦得但至多不過用三個字耳又要將自己真名另寫寄封密上面寫機密事呈督憲核 總督大人陞等字眼與票投齊呈遞 七每票內必要寫明欲領全權多少年期及肯出餉銀至多若干但該餉銀照依第五款所言之或立定總共納或分期每期漸增而納亦可 八該領承充全權之人照上款所納之餉銀每一千大元國家給權與他可載熟烟膏出準免稅者計餘照數計 九凡有欲看立鴉片全權之規條若何或欲問火船由仙那港往新金山雪尼準若何者請在香港巴厘洋行問打理廉布紳士或在星架坡往然申洋行皆可問明 十國家不應承必取票投之最高者或其中票投之一條 拾一稿思上文開列承充帶鴉片出準之全權用長期則難時甚久倘投票之人不願照第五款多納餉銀則國家亦不肯與以全權故凡有人獨要領權帶鴉片入準煮熟烟膏賣熟煙膏與準內之人吸食如此之權則要投格外之票即照依國家於一千八百九拾年英九月廿一日所發掛之第一款第二款之告示而行而投票此樣之票投則不過領得一年之權即由一千八百九拾壹年英式月一號起限以一年為期不是照上文所言由英正月一號起者

啟者本行由歐洲辦到各款時錶來叻發售其價金銀鋼質等類無不有之計此金銀之價每枚由廿五元至一百五十元銀之價則每枚由八元定二十元鋼之價每枚由三元至十元並有石面時鐘每具價銀大元另有時鐘每具價銀由二元至二元五角又八日鐘之時鐘每具價銀由四元至十元更有各款金器甚多不能備錄諸君合意祈早 玉臨選購是荷此佈

三品酒出售

1882 GRAND VIN SUPERIEUR 1882
PREMIER CRU



BEHR & CO SINGAPORE
Sole Importers for Straits Settlements and Netherland's India

啟者本行由歐洲辦到頂萬上三品酒甚多來叻發售酒味甚美且價亦相宜茲將此酒標式附登報中諸君購而飲之細辨香味方知此言之不謬也特此佈



啟者以上標頭所列之星標萬蘭池酒香味甘濃最稱美善飲之不惟不醉且可娛心養顏其益莫能殫述茲本公司特由歐洲辦到來叻諸君沽購祈請認明以上所列標頭為記庶免有誤特此佈聞

啟者本行館欲延請書寫石版字人一名其人須精於楷行兩法方能合用倘能兼工篆隸以及宋體各字者尤佳倘諸君有欲就斯席者請至本館面商為望 本館謹啟

大清光緒十六年九月廿八日 慎申公司謹啟



大英一千八百九十年九月二十號 慎申公司謹啟

大英一千八百九十年九月二十號 慎申公司謹啟

